

植物名實圖考

植物名實圖考卷之二十九

目始吳其濬著

蒙自陸應穀校刊

羣芳

佛桑

蓮生桂子花

金蝴蝶

黃連花

野丁香

牛角花

白刺花

報春花

小雀花

素興花

燈籠花

荷苞山桂花

滇丁香

藏丁香

地湧金蓮

丈菊

壓竹花

藏報春

鐵線牡丹

七里香

草葵

野梔子

草玉梅

白薔薇

鵝花

野蘿蔔

珍珠梅

緬梔子

海仙花

白蝶花

綠葉綠花

目錄

羣芳卷之二十九

佛桑



佛桑

佛桑一名花上花雲南有之嶺南雜記佛桑與扶桑正相似中心起樓多一層花瓣南越筆記佛桑一名花上花花上複花重臺也卽扶桑蓋一類二種又楊慎外集朱槿之紅鮮重臺者永昌名之曰花上花徐霞客遊記永昌花上花者葉與枝似木槿而花正紅閩中扶桑相類但扶桑六七朵竝攢爲一花此花一朵四瓣從心中又抽出疊其上殷紅而開久自春至秋猶開雖插地輒活如柳然然植庭左則活右則否亦甚奇也檀萃虞衡志謂佛桑不應改爲扶桑殊欠考詢

蓮生桂子花


二

羣芳卷之二十九



蓮生桂子花

蓮生桂子花雲南園圃有之細根叢茁青莖對葉葉似桃葉微闊夏初葉際抽枝參差互發一枝蓓蕾十數長柄柔綠圓苞搖丹頗似垂絲海棠初開五尖瓣紅花起臺生小黃筒子五枝簇如金粟筒中復有黃鬚一縷內嵌淡黃心微突此花大僅如五銖錢朱英下揭黠蕊上擎宛似別樣蓮花中撐出丹桂也結角如婆婆鍼線包而上矗絨白子紅老卽逆飛



金蝴蝶

金蝴蝶生雲南園中細莖如蔓葉對生如石竹而長色綠微勁
夏開五瓣紅花似翦秋羅初開每瓣有一缺饒袅娜之致

黃連花



黃連花

黃連花獨莖亭亭對葉尖長四月中梢開五瓣黃花如迎春花
繁密微馨昆明鄉人掘售於市因其色黃強爲之名

野丁香

五

羣芳卷之三十九



野丁香

野丁香生雲南山坡高尺許赭莖甚勁數葉攢簇層層生發花
開葉間宛似丁香亦有紫白二種

牛角花

羣芳卷之三十九



牛角花

牛角花生雲南平野鋪地叢生綠莖纖弱發又處生一小葉又附生短枝三葉莖梢開花如小豆花又似槐花有黃紫白三種春疇匝隴燦如雜錦土人以小葩上翹結角尖彎故名牛角

白刺花

七

羣芳卷之二十九




白刺花

白刺花生雲南田塍長條橫刺刺上生刺就刺發莖如初生槐
葉春開花似金雀而小色白裊裊下垂瓣皆上翹園田以爲樊



報春花

報春花生雲南鋪地生葉如小葉一莖一葉立春前抽細莖發
枝開小筍子五瓣粉紅花瓣圓中有小缺無心盆盆山石間簇
簇遞開小草中頗有綽約之致按傅元紫華賦序紫華一名長
樂生於蜀蘇頌亦有長樂花賦遵義府志引益部談資云長樂
花枝葉皆如虎耳草秋後叢生盆盎間開紫色小花冬末轉盛
鮮麗可愛居人獻歲以此爲餽名曰時花核其形狀當卽此花
今滇俗亦以歲晚盆景



小雀花

小雀花生雲南山坡小樹高數尺瘦幹細弱春開小粉紅花附枝攢簇形如豆花而小瓣皆雙合上覆下仰色極嬌韻花罷生葉



素興花

素興花生雲南蔓生藤葉俱如金銀花花亦相類初生細柄如
絲長苞深紫裊裊滿架漸開五瓣圓長白花淡黃細蕊一縷外
吐香濃近濁亦有四季開者滇略云南詔段素興好之故名志
謂卽素馨殊與粵產不類蒙化廳有紅素興又有雞爪花相類
而香遜檀萃滇海虞衡志以爲卽與茉莉爲儔同出番禺之素
馨未免刻畫無鹽唐突西施

燈籠花

羣芳卷之二十九



燈籠花

燈籠花昆明僧寺中有之藤老蔓雜小葉密排糙澀無紋俱如
絡石春開五稜紅筍子花長幾徑寸五尖翻翹色獨新綠黃鬚
數莖如鈴下垂僧云移自騰越余以爲山中石血之別派耳



荷包山桂花

荷包山桂花生雲南山中小木綠枝葉如橘葉翻反下垂葉間
出小枝開花作穗淡黃長瓣類小豆花花未開時綠蒂扁苞纍
纍滿樹宛如荷包形故名近之亦有微馨



滇丁香

丁香生雲南園中木本如藤葉如枇杷葉微尖而光夏開長柄
簞子花如北地丁香成簇而五瓣團團大逾紅梅柔厚嬌嫩又
似秋海棠中有黃心兩三點有色鮮香故不甚重

藏丁香

十四

羣芳卷之三十九



藏丁香

藏丁香或云種自西藏來枝幹同滇丁香葉糙有毛開花白色
有香故勝



地湧金蓮

地湧金蓮生雲南山中如芭蕉而葉短中心突出一花如蓮色黃日圻一二瓣瓣中有糝與甘露同新苞抽長舊瓣凋仍留舊堆積宛如雕刻佛座王世懋花疏有一種金蓮寶相不知所從來葉尖小如美人蕉三四歲或七八歲始一花黃紅色而瓣太於蓮按此卽廣中紅蕉但色黃爲勝滇本草味苦溫性寒治婦人白帶久崩大腸下血亦可固脫

丈菊

十六

羣芳卷之三十九



丈菊

羣芳譜丈菊一名迎陽花莖長丈餘幹堅粗如竹葉類麻多直
生雖有傍枝只生一花大如盤盂單瓣色黃心雷作窠如蜂房
狀至秋漸紫黑而堅取其子種之甚易生花有毒能墮胎云
按此花向陽俗間遂通呼向日葵其子可炒食微香多食頭暈
慎黔與南瓜子西瓜子同售於市

壓竹花

羣芳卷之三十九



壓竹花

壓竹花一名秋牡丹雲南園圃植之初生一莖一葉如牡丹葉濃綠糙澀抽莖高二尺許附莖葉微似菊葉尖長多叉莖端分叉又抽細莖打苞宛如罌粟秋開花如千層菊深紫縹豔大徑寸餘綠心黃暈蕊擎金粟一本可開月餘




藏報春

藏報春滇南園中植之葉如蜀葵葉多尖叉就根生葉長柄肥柔春初抽葶開花如報春稍大跗下作苞花出苞上一葶數層一層四五苞與報春同時而不如報春繁縟耐久滇近藏凡花以藏名者異之也

鐵線牡丹

羣芳卷之三十九



鐵線牡丹

鐵線牡丹生雲南圃中大致類罌粟花土醫云性溫能散暖筋骨除風濕治跌打損傷搗細入無灰酒煮熱包敷患處



七里香

七里香生雲南開小白花長穗如蓼近之始香



草葵

草葵生雲南黃花五出而三二瓣分開形幾近方



野梔子

野梔子生雲南秋開花如梔子



草玉梅

草玉梅生雲南鋪地生葉抽莖開尖瓣白花如積粉



白薔薇

白薔薇滇南有之五瓣黃蕊莖紫葉如茶蘿香達數里



植物名實圖考

禾木

三

卷之二十三

藟花

藟花生雲南黃花四出如桂葉在頂上者獨白如雪蓋初生者根可黏物故名



野蘿蔔花

野蘿蔔花生雲南細莖長葉秋開花五瓣色如靛

珍珠梅



珍珠梅

珍珠梅白花數十朵爲毬春開

植物名實圖考

緬梔子


三

羣芳卷之三十九



緬梔子

緬梔子臨安有之綠幹如桐葉如瑞香葉凸脈勁峭矗生幹上
葉脫處有痕斑斑如蘇紋



海仙花

海仙花生雲南海邊紫莖獨挺繁花層綴五瓣缺唇嬌紅奪目
土人夏日持售於市曰三台花以花作三層也其葉如蒿苣




白蝶花

白蝶花生雲南山中長葉抱莖開大白花三瓣品列內復擎出
白瓣形如蜂蝶雙翅首尾宛然具足大瓣下又出一尾長三寸
許質既皓潔形復詭異秋風披拂栩栩欲活

綠葉綠花

羣芳卷之三十九



綠葉綠花

綠葉綠花生雲南山中綠葉對苗如白及而短抽矮莖梢端開
花如羣蛙據草綠背白足裊裊欲墜亦可名綠蟾蜍花

植物名實圖考卷之三十一

固始吳其濬著

蒙自陸應穀校刊

羣芳

赭桐

夾竹桃

木棉

含笑

夜合花

賀正梅

鳳皇花

末利

素馨

夜來香

文蘭樹

黃蘭

彩蝶

馬纓丹

鴨子花

鶴頂

朱錦

西番蓮

百子蓮

珊瑚枝

穠冠花

換錦花

鈴兒花

華蓋花

玲甲花

水蠟燭

油蔥

鐵樹

喝呼草

植物名實圖考

目錄

二

羣芳卷之三十一



頽桐

南方草木狀頽桐花嶺南處處有自初夏生至秋蓋草也葉如
桐其花連枝萼皆深紅之極者俗呼貞桐花貞音訛也 按頽
桐廣東徧地生移植北地亦易繁衍京師以其長鬚下垂如垂
絲海棠呼爲洋海棠其莖中空冬月密室藏之春深生葉搖枝
亦活



夾竹桃

李衍竹譜夾竹桃自南方來名拘那夷又名拘拏兒花紅類桃其根葉似竹而不勁足供盆檻之玩

閩小記曾師建閩中記南方花有北地所無者閩提茉莉俱那異皆出西域盛傳閩中拘那衛卽拘那異夾竹桃也



木棉

本草綱目李時珍曰交廣木棉樹大如抱其枝似桐其葉大如胡桃葉入秋開花紅如山茶花黃蕊花片極厚爲房甚繁短側相比結實大如拳實中有白棉棉中有子今人謂之斑枝花訛爲攀枝花李延壽南史所謂林邑諸國出古貝花中有鵝毳拙其緒紡爲布張勃吳錄所謂交州永昌木棉樹高過屋有十餘年不換者實大如盃花中棉輒白可爲縕絮及毛布者皆指似木之木棉也

嶺南雜記木棉樹大可合抱高者數丈葉如香樟瓣極厚一條

五六葉正二月開大紅花其茶而蕊黃色結子如酒盃老則
拆裂有絮茸茸與蘆花相似花開時無葉花落後半月始有新
綠葉其絮土人取以作裯褥海南蠻人識以爲巾上出細字花
卉尤工乃名曰吉貝卽古所謂白疊布今詢之粵人亦無有織
作者或別是一種耳廣州閔武廳前與南海廟各一株甚大開
時赤光照耀坐其下如入朱明之洞也 按廣西通志木棉嶺
西最易生或取以作衣被輒致不仁之疾以爲吉貝誤之甚矣
李時珍以木棉與棉花並入隰草亦攷之未審

含笑

五

羣芳卷之三十一



含笑

捫蝨新話含笑有大小小含笑香尤酷烈又有紫含笑予山居無事每晚涼坐山亭中忽聞香一陣滿室郁然知是含笑開矣南越筆記含笑與夜合相類大含笑則大半開小含笑則小半開半開多於曉一名朝合小含笑白色開時蓓蕾微展若齒齧之未敷香尤酷烈古詩云大笑何如小笑香紫花那似白芍藥又有紫含笑初開亦香是子瞻所稱涓涓泣露暗塵香人言是浮夜合含笑其大至合抱開時一谷皆香亦異事也

藝花譜含笑花產廣東花如蘭開時常不滿若含笑然隨風

落

直勿呂廣圖考

含笑

六

羣芳卷之二十



夜合花

夜合花產廣東木本長葉花青白色曉開夜合



賀正梅

賀正梅似梅而小廣東歲朝植之盆盎

鳳皇花

九

羣芳卷之三十



鳳皇花

鳳皇花樹葉似槐生於澳門之鳳皇山開黃花經年不歇與葉相埒深冬換葉時花少滅結角子如麩豆今園林多植之或云洋種也 按嶺南雜記金鳳花色如鳳心吐黃絲葉類槐余在七星巖見之從僧乞歸其子種之不生

末利

十

羣芳卷之三十



末利

末利見南方草木狀本草綱目列於芳草此草花雖芬馥而莖
葉皆無氣味又其根磨汁可以迷人未可與芷蘭爲伍退入羣
芳祇供簪髻

素馨

土

羣芳卷之三十一



素馨

南方草木狀耶悉茗花末利花皆胡人自西國移植於南海南人愛其芳香競植之陸賈南越行紀曰南越之境五穀無味百花不香此二花特芳香者緣自別國移至不隨水土而變與夫橘北爲枳異矣彼之女子以綵線穿花心以爲首飾

桂海虞衡志素馨花比番禺所出爲少當有風土差宜故也

龜山志素馨舊名耶悉茗一名野悉密昔劉王有侍女名素馨其冢上生此花因名

嶺外代答素馨花番禺甚多廣右絕少土人尤貴重開時旋招

花頭裝於他枝或以竹絲貫之賣於市十枝二文人競買戴
嶺南雜記素馨較茉莉更大香最烈廣城河南花田多種之
每日貨於城中不下數百擔以穿花鐙綴紅薰佛桑其中婦女
以絲線穿花繞髻而花田婦人則不簪一蕊也

南越筆記素馨本名郗悉茗珠江南岸有村曰莊頭周里許悉
種素馨亦曰花田婦女率以珠夾往摘以天未明見花而不見
葉其稍白者則是其日當開者也既摘覆以溼布毋使見日其
已開者則置之花客涉江買以歸列於九門一時穿燈者作串
與瓔珞者數百人城內外買者萬家富者以斗斛貧者以升其

量花若量珠然花宜夜乘夜乃開上人頭髻乃開見月而益光
豔得人氣而益馥竟夕氤氲至曉猶有餘香懷之辟暑吸之清
肺氣花又宜作燈雕玉鏤冰瑩瓏四照遊冶者以導車馬楊用
修稱粵中素香燈爲天下之絕豔信然兒女以花蒸油取液爲
面脂頭澤謂能長髮潤肌或取蓓蕾雜佳茗貯之或帶露置於
瓶中經信宿以其水點茗或作格懸繫甕口離酒一指許以紙
封之旬日而酒香徹其爲龍涎香餅香串者治以素馨則韻味
愈遠隆冬花少曰雪花摘經數日仍開夏月多花瓊英狼藉入
夜滿城如雪觸處皆香信粵中之清麗物也

夜來香



夜來香

夜來香產閩廣蔓生葉如山藥葉而寬皆仰合不平展秋開碧玉五瓣花夜深香發清味如茶北地亦植之頗畏寒廣中以其多陰藏蛇委之籬落閩人云斷腸草經野燒三次卽變此花猶有毒云

文蘭樹


古

羣芳卷之三十一



文蘭樹

文蘭樹產廣東葉如萱草而闊長白花似玉簪而小園亭石畔多栽之 按此草近從洋船運至北地亦以秋開南越筆記文殊蘭葉長四五尺大二三寸而寬花如玉簪如百合而長大色白甚香夏間始開是皆蘭之屬江西湖南間有之多不花土醫以其汁治腫毒因有秦瓊劍諸俚名



黃蘭

黃蘭產廣東或云洋種今徧有之叢生硬莖葉似茉莉花如蘭而黃極芳烈



彩蝶

彩蝶產廣東莖葉如秋海棠羣花長蕊野生山間種不常見



木牛
馬纓丹

南越筆記馬纓丹一名山大丹花大如盤蕊時凡數十百朵每
朵攢集成毬與白繡毬花相類首夏時開初黃色蕊鬚如丹砂
將落復黃黃紅相間光豔炫目開最盛最久八月又開有以大
紅繡毬名之者又以其瓣落而枝矗起樣枒甚與珊瑚柯條相
似又名珊瑚毬夏紅繡毬者以開時也言珊瑚毬者以落時也
按馬纓丹又名龍船花以花盛開時值競渡故名

鴨子花

十六

澤芳卷之三十一



鴨子花

鴨子花產廣東似蓼而大葉長數尺以其花如小鴨故名



鸢尾

本草卷之三十

鶴頂

鶴頂產廣東又名呂宋玉簪葉如射干葉花六瓣深紅黃蕊似
山丹而瓣圖大

朱錦

下

羣芳卷之三十



朱錦

朱錦產廣東叢生林麓極易繁衍葉如月季花葉花有紅黃二
種如小牡丹苞如木芙蓉婦女常簪之



西番蓮

卽轉心蓮

南越筆記西番蓮其種來自西洋蔓細如絲朱色繚繞籬間花初開如黃白蓮十餘出久之十餘出者皆落其蕊復變而爲鞠瓣爲蓮而蕊爲鞠以蓮始而以鞠終故又名西洋鞠



百子蓮

羣芳卷之三十

百子蓮

百子蓮產廣東或云洋種廿年前不知其異也色極嬌麗一花
經數日不萎婦女競簪之價始高近日種植較多矣

珊瑚枝



珊瑚枝

珊瑚枝產廣東或云番種不知其名花園以形似名之按南
越筆記謂馬纓丹花落而生槎杈人呼爲珊瑚毬或誤以爲一
種

穗冠花



木
秣
冠
花

秣冠花如雞冠之尖秣者高六七尺每葉發杈開花秋時百穗俱垂宛如纓珞移植湖湘亦易繁衍惟旁莖大脆經風輒折必作架護持之稍寒卽瘁不如雞冠耐久也

換錦花




換錦花

南越筆記脫紅換錦脫綠換錦此換錦之所以名也葉似水仙
冬生至夏而落獨抽一莖二尺許作十餘花花比鹿蔥而大或
紅或綠葉落而花故曰脫紅脫綠花落而葉故曰換錦花與葉
兩不相見也 按此卽石蒜一類惟花肥多莖粗稍異

鈴兒花

三

羣芳卷之三十



鈴兒花

鈴兒花一名弔鐘花生廣東山澤間歲暮葉脫始蕾樵人折以入市插置膽瓶春初花開狀如小鈴花落葉發不宜栽蒔



華蓋花

華蓋花產廣東或云番舶攜種種生者葉如秋葵花似木芙蓉
未曉而開清晨卽落良夜秉燭始見其花皆戲呼爲曇花植者
亦罕



玲甲花

玲甲花番種也花如杜鵑葉作兩歧樹高丈餘濃陰茂密經冬
不凋夷人喜植之

水蠟燭

七

羣芳卷之三十一



水蠟燭

南越筆記水蠟燭草本生野塘間秋杪結實宛與蠟燭相似

油葱

三

羣芳卷之三十一



油葱 卽羅幃草

嶺南雜記油葱形如水仙葉葉厚一指而邊有刺不開花結子
從根發生長者尺餘破其葉中有膏婦人塗掌中以澤髮代油
貧家婦多種之屋頭問之則怒以爲笑其貧也 按油葱粵西
人以其膏治湯火灼傷有效又名羅幃花如山丹以爲婦女所
植故名

鐵樹

三

羣芳卷之三十一



鐵樹

嶺南雜記鐵樹高數尺葉紫如老少年開花如桂而不香

南越筆記朱蕉葉芭蕉而幹棕竹亦名朱竹以枝柔不甚直挺故以爲蕉葉紺色生於幹上幹有節自根至杪一寸三四節或六七節甚密然多一幹獨出無傍枝者通體鐵色微朱以其難長故又名鐵樹 按鐵樹治病證有神效廣西土醫用之

喝呼草



喝呼草

廣西通志喝呼草幹小而直上高可四五寸頂上生梢橫列如傘蓋葉細生梢兩旁有花盤上每逢人大聲喝之則旁葉下翕故曰喝呼草然隨翕隨開或以指點之亦翕前翕後開草木中之靈異者也俗名懼內草

南越筆記知羞草葉似豆瓣相向人以口吹之其葉自合名知羞草 按此草生於兩粵今好事者攜至中原種之皆生花葉花茸茸成團大如牽牛子粉紅嬌嫩宛似小兒信口吹之即合結小角成簇大約與夜合花性形俱肖但草六回小葉不紅

手拂氣喧似皆知覺大聲啊喝卽時俯伏草木無知觀此莫測
唐階指佞應非証言蜀州舞草或與同彙彼占閨傾陽轉爲數
見